

اسلام بىرلىكى

اون بىش كۈندە بىر چىقار

مىلىتانلۇق قائىدە سەھىپىسى

يىل: ۱

۱۴ محرم ۱۳۳۳ — ۲۰ ئىبرىن ئاينى ۱۳۳۰

سائى: ۱۶

(۲۳) قولزمہ (**) ایندیردیگمز شیدن (***) شك وشبهه دے ایسه کز (****)
 بر سورہ سنک مثلنی کتیرک (=) و بوبایدہ صادق لردن ایسه کز (§) اللہک غیری
 شاهد لریکزی اقامہ ایله یک (:) (۲۴) مادام کہ یاماز و یامازسگز کافر لرایچون
 حاضر لشمش اولوب اودونلری انسانلردن (:) عبارت و قیزغین طاشلردن
 مرکب اولان جہنمدن صاقینک .

استقبالی قورتارہ جق عزیم و امیددر

هیچ شبهه یوق کہ استقبالی قورتارہ جق (عزیم) و (امید) در . ینہ
 هیچ شبهه یوق کہ (عزیم) و (امید) دن محروم اولان ملتیرک استقبالی یوقدر
 و اوله مز .

ملتیرک سرنوشت تاریخلری، شخصلرک سرگذشت حیاتیلری قدر منحول
 دیوروزلی اولدیغنی اونوتمه مق ایجاب ایدر .

هر فردک صفحات عمری، قسماً دیکنلی و بورالی، قسماًده چیچکلی
 و کونشلی منظره لر عرض ایتدیکی کی ملتیرک حیات سیاسیله ری ده عینی تجلیاتی
 کوستریز . برملت، برعصرده، عزت و شوکتک اوج حشمتہ اعتلا ایدر،
 برعصرده ایسه چیقدیغندن داها سریع خطوه لره اوموقعدن اینمکه باشلار .
 شوکت، مقهوریتہ، عزت، ذلہ منقلب اولور .

برملت، دوره عظمشده ایکن، بعضاً اک شانلی اقبالر کندیس ایچون

(**) محمد علیہ الصلوٰت والسلام.

(*) قرآن کریم .

(**) الله تعالى کلامی اولدیغنه اینامیور ایسه کز .

(—) قرآن کریم کی بلیغ اولق اوزره بر سورہ کتیریگز .

(§) کلام الہی انکارده حق ایسه کز .

(:) اللہک غیری معبود اتخاذا ایتدیگمز بوتلرکزی و شعرا کزی و عالم لریکزی

وساثرلری دعوت ایدک بقالم، مثنی یاپاولرمی ؟ !

(:) یعنی کفر ایدن انسانلردن .

مقدمه د بار اولور. سرنوشت سفالتیله ایکلر کن دده؛ بعضاً اولور که؛ مدھش فلا کتار
انتباه ملی بی تأمین ایتک کی فیضی بر فائده ایله نتیجه لیه نیر. بر زمان کلیر که؛ قدرت انتباه؛
اویانان ملته، نورانور بر شهزاه اعتلا آچار. جان چکاشدیکی ظن ایدیلن
قوم، بر حیات نوین ایله میدان جداله آتیلیر. اک نهایت اسکی شوکت وحشتی
ا کتساب لیدر!...

فقط، بر ملت که سقوطی بر حال طبیعی، بلکه ده بر سرنوشت ازلی کی
تلقی ایدر، اوملت ایچون نجات یوللری ابدیاً قاپانمش دیمکدر. بویه بر ملتک
جهاندن نصیبه سی، اولاً: سقوط، ثانیاً: احتضار و اک صوکره: ابدی
اضمحلالدر!...

ملتاری یاشاتان ویا قعر انقراضه سوروکلرین عوامل، بسله دکتری ثابت
قاعلردر:

یاشایاجغه قانع اولان و او قاعته چالیشان بر ملت؛ اک مدھش صدمه لره
رغمأ؛ موجودیتی محافظه ایدر و یو کسلیر. فقط، انقراضه محکوم اولدینی
عقیده سنی بسله ن بر امت ده؛ هیچ بر صورتله؛ یاشایه مز.

تاریخ اک قورقونج فلا کتار ایچنده انقراضه دوغری سوروکلندکری
ظن اولتان بر چوق ملتک؛ یاشامق قاعتی و او قاعتک مولودی اولان (عزم)
(و) امید) سایه سنده ینه دیریش و یو کسلمش اولدقلمش بر چوق مثله لره نظر
عبرته عرض ایدیور.

بعث بمالموت سرینه مظهر اولان ملتاردن بر مثال کوسترمک ایچون
بوکون جهانی تیره تن معظم آلمان قومی ذکر ایده بیلیر:

۱۸۰۶ تاریخده فرانسرل فرمان فرمای جهان اولدقلمش آلتده، آلمانیا
قورقونج برانهزامه اوغرامش، جرمان الکاسی، باشند باشه مغرور ناپولایون
اردولرینک آیاقلری آلتده قالمشدی، بوانهزام، آلمانلرده درین و اسالی بر
انتباه دوغوردی: انتباه جریانی ایکی صورتله تجلی ایتشدی: (۱) حس انتقام.
(۲) حس ملیت. بوا یکی حس سایه سنده ایدی که هر آلمان استقباله امیدلی نظرلر

فیرلاتیور، استقبالی قورتارمق ایچون ایجاب ایدن عزم وفدا کارلق حرارتی
کندیسنده بولیوردی ! . . .

تاپولیونک استیلاسندن اول ، آلمانلرده ملیت حسی مفقود ، وطن محبتی
تابود ایدی . هر آلمان ، اختلال کیر قهرمانلرینه قارشى درین بر محبت بساه -
یوردی . فرانسز اردولرینک آیاقلری آلتیده ازیلمک ، حقارتلری اوکنده
سورونمکه محکوم اولدقلری آندن اعتباراً ، آلمانلرک قلبده جایگیر اولان
بوحیت ، زوال نایزیر بر تفرته منقلب اولدی : وطن محبتی نه اولدیغنی ، اجنبی
اسارتی نه یامان بر بویوندوریق بولندیغنی هر آلمان آکلامشدی . اوکوندن
صوکره هر فردک قلبی بر مکففة انتقام حائى آلدی . بومکشفه لری املا ایدجک
عاملره احتیاج واردی . طالع جرمانلره بوهائی عامللری ده حاضر لامشدی :
آلمانلرک بویوک فیلسوفی (قانت) ؛ داها اول ؛ عزم و مرامک ذکایه فائق
اولدیغنی ، عزم و مرام ایله هر شیئه نائل اولنه بیله جکنى ادعا اتمشدی . بودستور ،
آلمانلرک رهبر حرکاتی اولدی . آلمان کنجیلری (عزم) و (امید) سایه سنده
هر مشکله غلبه ایدجکلری قناعتیه یتشدیلر . آلمان محررلرندن (بالم) ، جرمانلرک
سفانتی ، مستولی فرانسزلرک مظالمی آجیقلى بر قلمله تصویر ایدیور ، انتباهی
تسریعه چالیشیوردی .

قلايست ، آرند ، کورنهر ، روقکورت کبی آلتین و ملی شاعرلرک علوی
سانجیلری ، قلبلرده کی انتقام مکشفه لرینی طولدیریور ، آلمان کنجیلرینی لاهوتی
بر عشقه اتحاد ملی به سوق ایدیوردی .

بویوک (فیخته) ایسه ، متین دهاسی ، آهنگدار نطقلری ایله ملتداشلرینی
انتباهه دعوت ایدیور ، بولش روحلره (عزم) و (امید) شراره لری
صاچیوردی . وجدانلری احتراصدن آزاده ، قلبلری عشق وطن ، دماغلری
فکر ملتله مشبوع اولان بو ، بویوک رهبرلرک شانلی مساعیلری ۱۸۷۰ ده پارلاق
نتایجی کوسترمش ، جهانله معظم ، متحد و غالب بر آلمان ملتی چیقارمشدی .
(عزم) و (امید) ک بوکونده آلمانلره یدی دولته چارپشمق و غلبه
ایتمک قدرتی ویرمش اولدیغنی کوریوردی ! . . .

عزم و امید، برملتی دوشدییکی فلا کتدن قورتاردیغی کبی امیدسزلک ده
اوملتک انقراضنی انتاج ایدر.

تاریخ کوب-تریورکده بر چوق ملتار، امیدسزلک کبی مشوم بر قناعتک
قربانی اوله زق ابدیاً افول ایتشلردر: بد بخت اندلس سلطنتک افولی
(غرناطه) ده پرورده ایدیلن انقراض قطعی قناعتک بر نتیجه فلاکت آمیزدن
باشقه برشی دکلدی.

قرن اولده رومالی (قاتون)، سناتوده (قارتاجه تخریب ایدمیلدر!...) دییه
باغیردیغی زمان، بوتون رومالیر قارتاجه نی اسقاط ایدم جکلمینه قانع بولونیورلردی
بر حالده که، قهرمان، فقط؛ بدبخت (آنیبال) ک شہامت خارقه نماسی بیله بو
سقوطک اوکتی آلهمدی. چونکه قارتاجه لیلرده یاشامق امید سونمش،
انقراض قناعتی کولکشمشدی. نتیجه ده قرون اولی نک بو شانلی دولتی
داختک امیدسزلکی، زومانک غلبه قناعتی کبی ایکی عامل تأثیریله ییقلوب
کیتدی!...

شہور بر قوماندانک (اردولری غالب ویا مغلوب ایدن بسله دکاری قاعدرا!)
سوزی بیکلرجه وقعهلرله ثابت اولمش بر حقیقت در.

بشریتک کونا کون انقلاباتی تسجیل ایدن تاریخک، منسی ویا بر حیات صحیفه
لرندن (ملتارک مقدراتی، کندی قناعتلرینک مولودیدر!) یولنده بر نتیجه
چیقاریله جق اولورسه؛ ظن ایدرسهم؛ خطا ایدلش اولماز.

بدبخت در او ملت که افرادی آرمسنده امیدسزلک قناعتی، یاشامق عزمنه
غلبه چالمشدر. ایمان ایدمیلدرکه بویله بر ملت، مدھش عاقبتله محکومدر. هله
امیدسزلک منور و کنج عنصری استیلا ایتش اولورسه!...

بر مملکتده کتله یه یاشامق روحنی نفخ ایدم جک اولان منور و عزیمکار
دماغلرک عقیم بر امیدسزلکه دوچار اولملری، او ملت ایچون نجات قاپولرینک
ابدیاً قاپانمش اولدیغنه دلالت ایدر.

کنججک، (امید) دیمکدر. کنججک، یاشامق عزم و قناعتک اک آتشین
تجلیکاهی اولمیلدرکه استقبال وطن حقدہ قلبره اعتماد کونشلیری طوغسون!...

جهان دن نصیه هستیلری آزالان هرمدیده کویکلرده یاشامق عزم وقناعتی ده
صوغویه بیلیر . بناء علیه ، یوکیلر ، بلکه ، استقباله او قدر امیدلی نظرلر
فیرلاته منزلر . فقط ، حیاته اک چوق مریوط اولملری اقتضا ایدن کنجیلرده ،
امیدسنزک علامتی کورمک قدر وطن پرورلری تدهیش ایدن بر آفت تصور
اولنه بیلیرمی؟! ...

عوام ، شئونات کونییه نی حقیقه احاطه ایده میه جکلرندن ، کندیلرنده شخصی
برقناعت یوقدر و اوله ماز . اولنلرده کی قناعتلر ، طبقه منوره افرادی طرفندن
وقوعبواه جق تلقیناتک مرتسباتندن باشقه برشی دکدر .

شو حالده ، محیطه امیدسنزک میقروبلری صاحبجق ، کتاهینی عدم چوقورینه
منتهی اولان یأس کردابلرینه سوروکلهمک اولزمی؟! .. درخاطر ایده لم که
امیدسنز آلمانلر ۱۸۰۶ ده مغلوب اولمشلردی . امیدلی وعزمکار کنج آلمانلرده
۱۸۷۰ ده قهار بر غلبه قازاندیلر ، (۱۹۱۵) ده ده قازانه جقلردر! ...

عصرلردنبری ، قهر و ظلم آلتده ازیلن اسلام دنیا سنه ، قاهر مطلق ، بر
شاهراه نجات آجدی : (امید) و (عزم) ایله چالیشیر ، استقبالک ابدی سعادتلی
ایچون حالک موقت اضطرابلرینه کواکس که در و هر فداکارلنی کوزه آلیسه ق
شانلی بر حیات قازانه جعمر شبه سزدر . سلاح قوتیه طوغان ملتک یاشایه .
بیلملری ایچون سلاخلرینک دائما پارلاق اولسی ایجاب ایدر . بز ، سلاح
قوتیه طوغمش ، شانلی ظفرلریمزی ، عالم شمول استیلامزی ، محشم دورلریمزی
قدرت عسکریه من سایه سنده یاشامش بر ملتز . تکرار دیریلد من ، ینه آنجق
سلاح قوتیه ممکن اوله بیله جکدر ،

عزم ، امید وفدا کارلقه سلاحه صاریلام که استقبال قورتولسون ، تورک
واسلام عالمی ، ذلت وسفاله بدل ، عزت و سعاده مظهر اولسون . ایمان
ایده لم که امیدله یشار ، عزم وفدا کاری ایله قوشارسق ، غلبه بزم در . چونکه
قرآنی اوقویان قوملری یونمغه چالیشان اریکه شوکتلرک ؛ قهار ذوالجلالک
صدمه انتقامیه ؛ صارصیه جقلری زمان کلشدر .